

inimicorum, qui contra vos, vestrasque partes sunt, vel fuerint, nos, qui modo sumus, vel qui fuerint adiutorium ad vestram lesionem faciendam prebere debeamus, sud quolibet ingenio infra hoc spatio pacti. Si enim furtum inter partes fuerit, in quatuorplum restituantur; si servi, aut ancillae, infra hoc spatium inter partes confugerit, cum omnibus rebus, quas detulerint secum, reddantur, et iudex, qui ipsos fugitivos reddiderit, pro unoquoque singulos auri solidos recipiat, sic tamen si amplius requiritur per sacramentum idoneum dominis illorum satisfactum fiat; si vero iudex ipsos fugitivos susceperit, et eos reddere negaverit, et exinde alium confugium fecerint, pro unoquoque fugitivo auri solidos septuaginta duo componantur. Et hoc statuimus de fugitivis, de quibus constat ad vos iudices, vel loca ipsi fugitivi fugerint; quod si dubium fuerit, et denegaverint, iudex vel auctor loci illius, in quo liberi et servi requiruntur tunc prebeat sacramentum duodecim electi, quod ibi nec suscepti fuerint, nec illos habeant, nec in conscientia eorum sit, nec aliquas res eorum secum habuerint. Si autem hoc distulerit facere post primam et secundam contestationem presentia per iussionem iudicis sui liceat etiam pignerare hominem de ipso loco, ubi causa requiritur, ita tamen ut ipsum pignus post pactam (factam?) justitiam in integro reddatur. Et nullatenus liceat alicui per alia loca pignus accipere, nisi ubi fugitivi, aut causa requiritur, aut pigneretur. Et si pigneratio pervenerit, et pignus suum recipiat, si autem infra sex menses proposuerit ipse iudex, aut alia persona, qui pignus tulit iudicium habere, post transactos illos sex menses in duplum, iudex loci illius omni modo ipsa pignera reddat. Nam si quis de alio loco pignus tulere presumpserit, aut sine causa tulerit, vel aliquem pignere pignere presumpserit in duplo, quod tulerit, restituat. Si vero equi vel eque, aut armentum, aut aliqua quadrupedia fuerint ablata, aut semetipsa alienaverit, modis omnibus, parti vestre reddantur. Quod si post primam, et secundam contestationem minime reddita fuerint, tunc perveniant pignera de loco, ubi hoc requiritur, usque dum pars parti satisfaciatur. Et post satisfactionem ipsa pignera reddantur. Et hoc stetit ut si fugitivi, se res redditae fuerint, et per sacramentum satisfacto adimpleta fuerit